



Broj: 02-15-1389/22

Velika Kladuša, 31.05.2022. godine

Na osnovu člana 29. Odluke o izvršavanju budžeta Općine Velika Kladuša za 2022. godinu („Službeni glasnik Općine Velika Kladuša”, br. 3/22) i člana 43. Statuta Općine Velika Kladuša („Službeni glasnik Općine Velika Kladuša”, br. 12/11), Općinski načelnik donosi

## **PROGRAM**

### **podrške poduzetnicima i obrtnicima za 2022. godinu**

#### **I - OSNOVNE ODREDBE**

Programom podrške poduzetnicima i obrtnicima za 2022. godinu (u daljem tekstu: Program) utvrđuje se cilj, finansijski okvir, vrsta podrške poduzetnicima i obrtnicima koji posluju na području općine Velika Kladuša u 2022. godini.

Cilj Programa je podrška poduzetnicima i obrtnicima u 2022. godini.

#### **II - FINANSIJSKI OKVIR I VRSTA PODRŠKE**

Novčana sredstva za realizaciju Programa obezbjediće se iz Budžeta Općine Velika Kladuša za 2022. godinu u iznosu od 300.000,00 KM.

Poticajna sredstva se dodjeljuju preduzetnicima i obrtnicima (u daljem tekstu korisnici) za sljedeće mjere:

1. Podrška razvoju ženskog poduzetništva za djelatnosti registrirane u skladu sa Zakonom o obrtu i srodnim djelatnostima F BIH;
2. Podrška subjektima male privrede koji upošljavaju radnike sa umanjenom radnom sposobnošću i samostalnim poduzetnicima kojima je utvrđen stepen invaliditeta najmanje 70 %.
3. Sufinansiranje troškova doprinosa za samostalne poduzetnice koje se nalaze na porodijskom odsustvu i samostalne poduzetnike koji imaju zaposlene radnice na porodijskom odsustvu za 2022. godinu.
4. Podrška samostalnim poduzetnicima koji posluju minimalno 10. godina bez odjave rada, koji upošljavaju minimalno 2 (dva) radnika, a koji su registrirani u skladu sa Zakonom o obrtu i srodnim djelatnostima F BIH.
5. Podrška subjektima male privrede i samostalnim poduzetnicima koji se bave djelatnostima proizvodnje prehrambenih proizvoda, a koja upošljavaju najmanje 3 radnika.
6. Podrška društvima sa ograničenom odgovornošću koja su u periodu 01.01.2021. -31.05.2022. godine izvršili upošljavanje najmanje 2 (dva) radnika u okviru jedne registrirane djelatnosti ili 5 (pet) radnika u okviru svih registriranih djelatnosti (broj novouposlenih radnika se računa za period 01.01.-31.05.2022. godine).
7. Podrška mladim poduzetnicima starosti do 35. godina koji imaju registriranu djelatnost u skladu sa Zakonom o obrtu i srodnim djelatnostima F BIH i Zakonom o ugovornoj djelatnosti F BIH.

Novčana sredstva iz ovog Programa su namjenska i bespovratna.  
Javne ustanove i javna preduzeća nemaju pravo na poticajna sredstva iz ovog Programa.

### III - USLOVI ZA DODJELU SREDSTAVA

Pojedinačno po mjerama predviđaju se slijedeći iznosi sredstava:

1. Mjera 1. – 75.000,00 KM
2. Mjera 2. – 20.000,00 KM
3. Mjera 3. – 15.000,00 KM
4. Mjera 4. – 50.000,00 KM
5. Mjera 5. – 20.000,00 KM
6. Mjera 6. – 90.000,00 KM
7. Mjera 7. - 30.000,00 KM


### IV – UTVRĐIVANJE KRITERIJA ZA DODJELU SREDSTAVA

Kriteriji za ostvarivanje prava na poticajna sredstva po pojedinim mjerama, sa postupkom provođenja procedure biti će propisani posebnim Pravilnikom koji će donijeti Općinski načelnik.

### V - ZAVRŠNE ODREDBE

Nakon stupanja snagu Programa Općinski načelnik će donijeti Pravilnik o postupku dodjele poticajnih sredstava poduzetnicima i obrtnicima sa sjedištem na području općine Velika Kladuša za 2022. godinu.

Program stupa na snagu danom donošenja, a ima se objaviti u Službenom glasniku Općine Velika Kladuša.

**OPĆINSKI NAČELNIK**  
**Fikret Abdić, dipl. ing.**